

Schall und Rauch

Text: Tom Lackner

Er: I hob mi g'schneizt und hob mi 'kampet und ma en Boat schee brav rasiat
Zwa, drei Gummis in da Tosch'n, damid sicha nix passiat
I hob an Monatslohn im Sack'l und a nog'neiche Schoi'n
Und damit miassad i jo ealich ana jed'n Tulli g'foin
Waunn i heit nix ohschlepp'm tät
Daunn waaß i ned

I loss en Autoschliss'l schlenkan und geh lässich in de Baa
Und do sitzt a scho a Traum von ana Frau aum Tisch allaa
A Vabrech'ng, waunn i mi ned um des oame Kind bemüh'
Oba des is jo a Klavia, auf dem i olle Schtick'In schbüh
Waunn i de ned einkoch'ng tät
Waa r i schee bled

Da Hea Schampus mocht an Tusch und sogt: „Kumm, tamma weida, gemma's aun!“
Und dass mid eam bei den Manöwa a scho goa nix schief geh' kaunn
„A so a scheena Hos'!“, sog i von da Weid'n scho zu ia
„Hallo! Wos is? Wia schaum a aus? – Gemma zu Dia oda zu mia?“
Darauf sie:

Sie: „Huach ma zua, wöe dea Hos'
Dazöht da wos:“

*Do host Di g'schneizt und host Di 'kampet und Di mea schlecht ois recht rasiat
Host an Gummi, dens'd daunn eh ned nimmst, „Wöe ma's jo so vüh bessa g'schbiat“
Du haust Di zu mia zuwe und wach'lst mid'n Göd
Und fiast Di ziemlich deppat auf, g'rod so, ois g'herat Da de Wöht
Oba des is ollas nua Schall und Rauch
Hau Da Dein' Schampus doch aum Bauch!*

Er: Oiso, wos haaßt des jetz? I glaub's ned. Bist ' leicht nimma mea zum Kriang?
Sie: *Des haaßt: Du kaunnst mid Deina Schoi'n Dei gaunze Bledheit ned kaschianAuf Deitsch:
Du kaunnst Di putz'n! I brauch des ned! Vaschdehst?*

Er: Oba i moch mid Dia a Schbritztua, waunnst' heit Nocht nua mid mia gehst
Sie: *Pfau! Des is ollas nua Schall und Rauch
Do pfeif i d'rauf!*

*(Instrumental-Teil) ... I sogt: – Ollas nua Schall und Rauch
Bei mia host Du en Schlauch!*

*I man, des is jetz oba ned woa. Host as no ollawöe ned g'schnoit?
Host 'glaubt, i geh mid jed'n Schoit'l, dea ma r a Tschopperlwossa zoit?
Heast': Du bist jo penetranta ois wia r a Sack'l volla Fleh
Tua ma r an G'foin: Moch da Dei Hosn zu, nimm Dein' Bolid'n mid und geh
Des is jo ollas nua Schall und Rauch
Nimm Deine Fiaß' in'd Händ' und lauf!*

Er: Oiso, i glaub', des woa jetz irgendwia wieda r a tiafa Griff in's Clo
Und frog mi so wia meist'ns: Wos is foisch g'rennt und wiaso?
Und so schmus' i in da Hapf'm med an woaman Termophoa
Und schtund'nlaung klingt wia de „Pumerin“ ma r a Schtimm' no in mein' Oa
Und de sogt:

Sie: *Ollas nua Schall und Rauch
Gib's afoch auf!*